

صاحب امتیازی :
شهبندر زاده قلبه‌لی
احمد صابو

اداره و تحریر محلی

جفال اوغلی جاده‌سندده دائره مخصوصه در .
مخابرات صاحب امتیاز ایله جریان ایتمه‌لی در .
نشری تاریخندن اون کون کچمش نسخه‌لر
ایکی غروشددر



شرائط اشتراك :

برسته‌لیکی ۹۵ آلتی آیلغی ۵۴ پوسته اتحادینه
داخل ممالك اجنبیه ایچون قرق
فرانقدر

اداره مدیری قلبه‌لی
محمدذهنی

اعلان ایچون اداره مدیری
محمدذهنی بکه مراجعت ایدیلیر .

باصحابه

یکی بر سیاست آچازی

فرانسه نك قونفرانس تكلیفی

موسیو پوانقاره نك مجهول قالدینی وقت سحر آمیز ظن ایدین مشهور و معهود تکلیفی، میدانه چینیجه ناصل ساده بر فکر دن عبارت قالدینی کورولمش ایدی. دولت عثمانیه، مملکتشده تلقای نفسندن یانمغه عزم ایتدیکی اصلاحات حقته، معهود تکلیفده کی «آله الملق» تعیری قبول ایده مزیدی. بوتعیر، دول معظمه نك یاغارجی بالقانلیره حق ویردیکنی و مداخله معناسی متضمن ایدی. تکلیفده کی بو تعیر، انکلترونك عدم خشنودینی بیله موجب اولمشدی.

بودفعه ده بنه موسیو پوانقاره، متقی انکلترونه، یکی بر تکلیفده بولونیور. قونفرانس! دون لوندره دن کلن ۱۵ تاریخلی بر تلغراف، بالقان ایشلرینه دأثر دول معظمه نك بر قونفرانس عقد ایتمه سی حقته کی فرانسز تکلیف نك انکلیز حکومتی طرفدن جدیتله نظره الندیغی بیلدیرمکده در. بوکونکی وضعیت نظر اعتنایه آلیرسه، بوکی تکلیفه حیرت ایتمه م و موسیو پوانقاره نك مهارت سیاسیه سی حقته ترده دوشمه م ممکن اولیور.

بالقان احوالی بوکونکی شکله کتیرن، دول معظمه نك آل آلتندن اجرا ایتدکاری نفوذ رقابتی واضرار رقیب سیاستی دکلدی در؟ بو، بر حقیقت درکه بالقانلری سیاسی بر فوطبول ساحه سی منزله سنه ایندیرن، بالقان احتراصاتی کیزلیجه تشویقلرله بسله یین واصل منافقانه بر سیاستله بوکونکی سفک دمایه یول آچان دول معظمه در.

شیمدی بالقانلر ده حرب باشلامشدر. دول معظمه، شیاریق بالقان خیالپرستلرینه سوزسویله مه سی بیله ییدی، بوکونکی وضعیت پیدا اولمازدی. آرتق بولغار حکومتی، عثمانی دولته اورزیل نوطه یی ویردکن، بولغار رجالتك تورکری اوروپادن چیقارمق حقته کی افکاری میدان علانیه چقدقن صوکر، قونفرانس عقدندن ناصل بر فائده ملاحظه ایدیلیور؟ اگر قونفرانس ایله، بالقان اقوامی، خروس دوکوشدر بر کی، بر مدت یکدیگریله بوغوشدیردقن صوکر، نتایج حریبه یی کنندی کیفرینه کوره یا باجقلری ظن ایدیورلرسه، آلدانیورلر. بو قونفرانس ده بالقان استاتوقونك محافظه سنه معطوف اولاجق. لکن طرفین، بیکارله ملتداشنی فدا ایتدکن صوکر، اوروپالیره اطاعت ایده جکر می؟ ظن ایتمه یز. هم اوروپا، بونی نه صلاحیتله طلب ایده جک؟ اگر بالقان حکو متلریه ویا خود بزه قارشى جبر قوللانه جقلرسه، او باشقا بز، بولغارلری ته لیه جکمه زه امیز. روم ایلی شرقی یی، پودغوریجه یی، تسالیایی اشغال ایله جکمزى غایه الله ایله امید ایلوروز. عجباً بویلری تکرار اعهده بیلیر می یز؟ هم ده وطنمه کوز دیکن دشمنلره؟

آرتق قونفرانس لرم لزوم قلمادی، زیر ملنلر اوروپا دیپلوماتلرینك حیل و شیطنه بازیچه اولمازلر. آرتق بز عثمانیلر، منافع و حسیاتمزی قوری کورولتیلره فدا ایده مه یز. بولغارلر، بز دن ماکدونیا یی آلمق ایسته یورلر. بز عثمانیلر ده اولردن روم ایلی شرقی یی آلمق ایسته یوروز.

مادم که دول معظمه، بادی حرب اولان بولغار لری صوصدیرامادی و محاربه یی منع ایده مدی، شو حاله محاربه نك نایمجه دده شیمدین راضی اولدی دیمک در. و مادم که دعوانك، حانی ایکی خصمک چارپیشاسنه بر اقدی، قونفرانس و مداخله نك ده معناسی قلمادی. بز، بالقانلرله دعوا مزی حل ایده جکر، بوراسی بویله. لکن پوانقاره تکلیف جدیدی ده یکی بر خطا اولارق تاقی دن واز کچه مدیکمزی بیان ایده رز. فرانسه، روسیه نك تلقیناته راز فضله جه متابعت ایدیور. بوراسنه تأسف ایده رز، چونکه بوتلقینات، صورت ظاهره سنندن صرف نظر، هب بالقان اسلاولرینك لهنده در.

شهبندر زاده فلهلی

احمد حلمی

بالقان محاربه سنی کیم حاضر لامش؟

ینه روسیه می؟

[مهم بر مقاله]

(آوستریا رساله سی) عنوانیه و یانه ده انتشار ایدن رساله موقوتیه ده بارون (شلومه طی) اسمنده بر محرر بالقان محاربه سنك اسباب ظهوری تدقیق ایدیور. محرر مذکور بحران حاضرک سبب یکنه سی روسیه اولدیغی شو صورتله بیان ایدیور «روس سیاستی اوتهدن بری بونیجه یی احضار ایتمه م مشغول اولمشدر. فی الحقیقه خیلی موسقوف محرکاری دأثما بالقان پایتختلرینه مکیک کی کیدوب کلرک بالقان پایتخلری ایله روسیه بینده دائمی بر تماس حصوله کتیر مشلر در. اوتهدن بری معلوم بر حقیقت ایدی که بالقان اتفاقی تجاوزی بر مقصد پرورده ایدیور دی. حالوکه وقایعی شو صورتله احضار ایتش اولان روسیه بیوک بر محاربه یه هنوز حاضر لئامشدر. روسیه هنوز لایق صورته مسلح دکل در. ایشته کیفیت مذکور روسیه نك آوستریا، مجارستانه قارشى ایتسزلکنی تزید ایتشدر.

حالوکه آوستریا هیچ بر وقت بالقانلر ده توسیع اراضی احتراصاتی پرورده ایتمه مشدر. قره طاغک، ناکهانی اوله رق اعلان حرب ایتمی روسیه پولتیقه نك معوج وضعیتنی اثبات ایتشدر. اگر اعلان حرب ایتمه روسیه نك توجهنی غائب ایده جکنی بیله ایدی، قره طاغ قرالی محاربه یه قالدیشازدی. کیفیت مذکور، روسیه نك قره طاغه معاونت ایتدیککنه بر دلیل کافی در.

بارون مارشالک خلفی

برلین ۱۶ تشرین اول — متوقی بارون مارشالک یرینه پرنس (بلنجنووسکی) آلمانیا نك لوندره سفارتنه تعیین ایدمشدر.

باب عالک جوابی نوطه سنك اوروپاده

حسن تأثیری

برلین ۱۶ تشرین اول — باب عالینك جوابی نوطه سی بر اینده حسن تأثیری موجب اولمشدر. بین الدول عقدی تکلیف اولنان قونفرانس ایشی قبول ایتمین مذکور نوطه نك وقورانه و حیتپورانه لسانی بوراده عظیم بر تأثیر حصوله کتیرمکده در. بالقان هیئت متفقه سنك تداکات عسکریه سنی ظاهره چیقارماق اوزره دیپلوماتلرک سترایتمک ایستدیکی اورتونک تورکیه طرفدن بر طرف ایدلمسی «دویچه تاغس جاتیونغ» جریده سی مظهر تقدیر بر حرکت اوله رق تلقی ایدیور.

بر بلغار مقتصدینك بیاناتی

بلغار اقتصادییونندن بری (اکسلسیور) مخابرینه دیمشدر که:

بالقانلر محاربه سی پک پک آلتی هفته دوام ایده. جکدر. مدت مذکور طرفنده ایکی مدهش محاربه وقوعه کله جکدر. شو حاله ایکی احتمال وارد خاطر در. بویکی محاربه دن برخیزنده بلغارستان احراز مظفریت ایده جکی تقدیر ده دول معظمه بلغارستانه مقاومت ایتمی ضمنتده تورکیه یه وقت ویره جکدر. ادرنه ایله آیاستفا. نوس آره سننده جریان ایده جک اولان ایکنجی محاربه ده بلغارستانک غالب اولدیغی تقدیر ده دول معظمه در حال مداخله ایده رک دولت عثمانیه نك انقراضنه مانع اولنه جقلر در.

ایکنجی احتمال:

برنجی محاربه ده مغلوب اولدیغمزی فرض ایده لم. اووقت اوروپا مداخله ایده جکدر. بلغارستان حکومتک بقاسی، روسیه نك شرقده کی نفوذینك محافظه سی ایچون شرائط اساسیه دن معدود اولدیغندن روسیه بلغارلرک مقهوراً مغلوب اولمسی ایسته مز.

حکمت

ظاهراً هذیان بکزمین شوسوزلر، مع التأسف بلکه ده بر جوق مشاهیر سیاسيونك افکارینی خاطره کتیریور.

ولایات شرقیه ده

بتلیسدن ایکی ساعت مسافه ده واقع زاغ قارقیه سنده اشقیایی تعقیبه مأمور زاندارمه لردن ایکی کیشی قتل اولمشدر.

نه زو کوردلک!!

«محاربه ایستز» دیه اوزرمزه صالدران بالقان حکومتلرینك قوه مالییه سی نه درجه ضعیف اولدیغی کونسترمک ایچون آیتده کی کیفیت کافی در.

صربستانک پارس سفیری (وهسنیچ) حکومت متبوعه سنه کشیده ایلدیکی تلغرافنامه لک بالطبیع عظیم بریکونه بالغ اولان مقابلنی بلغارادن ایستلر. کندیسنه شیمدیلک انتظار ایتمی جواباً بیلدیریلر. سفیر نه نه یاپه جقنی شاشیر یز:

بعض مهم مسئله لر حقته حکومته معلومات ویرمک قدر تلغراف پاره سی یوق! در حال پارشدن کی هشمر لیلرینی زیارت ایدر اوتهدن کیدن بریکدن بشیوز. بیک فرائق قدر تدارک ایدر. ایشته بو صورتله تلغراف پاره سی تدارک ایدر. (فیغارو)

محاربه نك ماليه تائيراتى

لوندرد ، برلين ، ميلان ، ابرائيل . ويانه پياسه .
لرتدن وارد اولان استخبارات تلغرافيه نظرآ محاربه
شايعه لرى حيات اقتصاديه اوزرينه سوءتأثير حصوله
كتيرديكى بيلديرلمكده در . باخصوص رومانياده فيأت
اسهام فوق العاده دوشمش بالاخره حكومت بانقه سى
مدبرى آندون قارپ بريساننامه نشر ايدرك باعث
تيسج اوله جق بر سبب موجود اولمديندن بختله بو
خلجانك او كي آله بيلمشدر .
(نوبه فرايه بر سبب)

ايتاليا سفيري

صالح رسمى پروتوقولك امضاليسى اوزرينه
ايتاليا سفيرينك شهر يميزه كله چكى مستخبردر .

رومانيا ده عثمانيلر

رومانيا عثمانلى ارمىلىرى بر بياننامه نشر ايدرك
حكومت متبوعه لرينه قارشى حسيات خالصانه لرى عرض
ايله وطن معززك مدافعه سى خصوصنده هر درلو فدا .
كارلنى ايفا ايدم جكلىرى وعد ايتمشدر .

كريده انگليز سوقيات عسكرى سى

آلمانجه (فوسيشه چايتونج) غزته سنك استخبارات
مونوقه سنه نظرآ كريدك سودالمايتى اشغال ايتك اوزره
مالطه دن بر انگليز پياده آلاي يوله چيقرلمشدر .

قوتفرانس

(ژون ترك) غزته سنك بر منبع سيايدن وقوع
بولان استخباراتنه كوره بالقانلر محاربه سنك آوروپاده
براشتعال عمومى يه منقلب اولماسى ضمنتده دول
معظمه طرفدن حريدن اول وحريدن صكره بين الدول
بر قوتفرانس عقيدنى تصور ايتكمده درلر .

بلغار سفيرينك بياناتى

بلغار سفيري صرافوف (عثمانيشهر لوئد)
محرر لرندن برينه بيانات آتيمده بولمشدر :
صوفيه عثمانلى سفيرينك بساپور صلى بلغار
حكومتى طرفدن كنديسنه تسليم اولنديغنى ميين بر
تلغراف اخذ ايلدم . بناءً عليه اوراق عاظمه
باب على طرفدن بكا تسليم اولمسنه منتظر يم بزعيمته
حاضر ز .

بين الدول بر قوتفرانس عقديله وضعيتك تبدل
ايدوب ايتيمه جكنه دائر محررك سؤالنه جواباً سفير
بروجه آتى مقابله ده بولمشدر :

بلغار ملتى طائيش اولانلر بوكى بر قوتفرانسك
محاربه وقوعه مانع اوله ميه جغنى رعا صورتده
بيليرلر .



عثمانلى — ايتاليا صالحى

رفيقمن (ليبرته) غزته سنده اوقونمشدر :
مقدمات صلحيه نهايت امضالدى . حكومت
عثمانيه اطرافنده تشكىل ايتمش اولان متجانس بردشمن
قوتنه مقاومت ايتك مجبور يتده بولنديغنى شو صوره ده
ايكى معظم دولتى بر سنده دن برى حال حريده بولنديرمش

اولان اختلافك نهايت تسويه پذير اولمى حقيقه
شاين ممنونيتدر . بناءً عليه احوال حاضرده بر احميت
خصوصيه حائر اولان بو حادنه نك كال ممنونيتله تلقى
اولنه جنى وارسته اشتباهدر . بوندن بويله دولت عثمانيه
ايله ايتاليا حكومتى يكدىكرينه بر دست مخالفت
اوزاتوب ايجابى تقديرده طرفين ايجون باعث منفعت
بر مظاهرت ابراز ايدم جكلىدر . صالح معااهده سنك
شرائط حقيقه سى مجهولمز اولمغه برابر مقدمات نشر
اولنان مواد اساسيه سنه نظرآ طرفين ناموس وحيتنك
محافظه اولنديغنى رعا بيليرز .




دفع اوليورلر

(تلولوغوص) غزته سنك استخبارينه نظر آدون
شهر يميزدن مفارقت ايتك اوزره ۷۰۰ يونانلى قونسو-
لوسخانه لرندن بساپورط آلمشدر .

قوميسيون تشكىلى

اخيراً توقيف اولنان يونان سفاننك حوله سى
حقيقه اجنبى تجارلرينه عائد اولوب اولنديغنى تحقيق
ايتك اوزره مبأمورين سياسيه وبجربه دن بر قوميسيونك
تشكىل ايدم جكنى روجه غزته لرى يازيورلر .



صوك خبرلر

سفيرله بساپورط ويريلدى

بلغارستان و صرب سفيرلرينه بوصباح خارجيه نظارتى
قلم مخصوص مدبرى ادهم بك كوندريله رك تبليغات
آتيمده بولنمشدر :

« عثمانلى حدود لرنده بولغار و صرب سفر برلكيله
تحشيداتى و حدودلر بويجه كل يوم دوام ايدن
تجاوزات ، صرب ، و بولغار حكومتلرينك عثمانلى
امور داخلينه مداخله سى ايله برابر قبولى غير ممكن
مطالب درميان ايتملرى ، دولت عثمانيه ايله بولغار و صرب
حكومتلى آره سنده محافظه مصالح امكانى محو
ايتمشدر .

بنابرين صرب و بولغار سفارتلى اركانيله معيتلى
بساپورطلىنى آلىق اوزره خبردار ايدلمر وسرعت
مكنه ايله عزيمتلى توصيه اولنور .

بولغار اردوسى

ناصل تقسيم ايديله جك

برلين ۱۶ — بولغار اردوسى اوج قوله آريلا-
جقدر . برنجى قول اردو ، بر صرب فرقه سيله تقويه
ايديله رك مصطفى پاشا قارشوسنده بولونا جقدر . ايكنجى
قول اردو ، سيار بر فرقه اولاجق ردولپ بالقانلريله
قرارگاه عمومى اولان قلبه آراسنده اختلاطى محافظه
ايدم جكدر . اوچنجى قول اردو صربلرله برابر اسكوب
جهتده حرب ايله جكدر .

صربله محاربه

« بوويدا » جهتده حدودده صربلرله محاربه
ايدلمكده در .

صرب و بولغار حدود لرنده

محاربه باشلادى

هر نه قدر رسماً اعلان حرب ايديله مش ايسه ده
دون كجه دن برى بولغار و صرب حدود لرنده محاصماته
بدأ اولونمشدر .

يونان سفيري بوراده

يونان سفيرينه حكومت مزجه بساپورط ويرلمديكى
كبي آتهدن دخى حركت امرى آلمامشدر .

صرب و بولغار سفيرلىرى

بوكون اقتشام اوزره رى حركت ايدله جكلىدر .



اعلان

استضادى

حكومت سنيه نك تحت ضمان وكفالتنده اولوب
زراعت بانقه سنك قره ديسنى حازدر .

تاريخ تاسيسى

۱۲۸۴

استانبولده جفال اوغلنده دائره مخصوص-
صه ده شرائط آتیه دائره سنده آقچه قبول
واقراض ايدر .

آقچه قبول شرائطى :

برسنه ودها زياده وعده ايله برافلان پاره لر ايجون
سنوى يوزده (بش) وعده سز حساب جارى
صورتيله يعنى ايتنلدىكى زمان آلتقى شرطيله برافلان پاره لر
ايجون سنوى يوزده اوچ فائض ويرر وعده سز قبول
ايديلان آقچه بر چاريك لبرادن ايكي يوز لبرابه قدر .
توديعاته ايرتسى كونندن اعتباراً فائض حساب
ايدر .

الى ليرادن فضله وعده لى توديعات اصحابى
آرزو ايدر لر سه رأس المالىرينك فائضى ماه بماه
تقسيماً اخذ ايدم بيليرلر .

آقچه اقراض شرائطى : مجوهرات كموش
اوانى و تحويلات مقابلنده ويوزده ، سكر فائضله
قچه اقراض ايدر .

